

劉涓子鬼遺方

一



據中國國家圖書館藏宋刻
本影印原書版框高十九
三釐米寬十二·三釐米

劉涓子鬼遺方卷第一

并序

龔

慶宣

撰

昔劉涓子晉末於丹陽郊外照射忽見一物高二丈許射而中之如雷電聲若風雨其夜不敢前追詰旦率門徒子弟數人尋蹤至山下見一小兒提罐問何往爲我主被劉涓子所射取水洗瘡而問小兒曰主人是誰人云黃父鬼仍將小兒相隨還來至門聞搗藥之聲比及遙見三人一人開書一人搗藥一人卧尔乃齊唱叫突三人並走遺一卷癰疽方并藥一曰時從宋武北征有彼瘡者以藥塗之即愈論者一聖人所作天必助之以此天授武王也於是用方爲治千無一失姊適余從祖叔涓子寄姊書具叙此事并方一卷方是丹陽白薄紙本寫今手跡尚存從家世能爲治方我而不傳孫

道慶與余隣居情款異常臨終見語家有神方兒子幼稚苟非其人道不虛行尋卷訖候煎辨藥性欲以相傳屬余既好方術受而不辭自得此方于今五載所治皆愈可謂天下神驗劉氏昔旣龔方故草寫多無次第今輒定其前後族類相從爲此一部流布鄉曲有識之士幸以自防齊永明元年太歲己卯五月五日撰道慶曰王祖劉氏有此鬼方一部道慶祖考相承謹按處治萬無一失舅祖洵子兄弟自寫寫稱云無紙而用丹陽錄永和十九年資財不薄豈復無紙是以此別之耳

黃父曰夫言癰疽何以別之岐伯荅曰榮衛稽留於經脉之中久則血澁不行血澁不行則衛氣從之不通壅遏不得行火不止熱勝熱勝則肉腐爲膿然不能陷膚於骨髓不爲焦枯五藏不爲傷故曰癰 黃父曰何謂疽岐伯曰熱氣浮盛

當其筋骨良肉無餘故曰疽疽上皮肉以堅上如牛領之皮
癰者薄以澤背其候也 黃父曰及如所說未之癰疽之性
名發起處所訐候形狀治与不治死活之期願一一聞之
歧伯曰癰疽圖曰

赤疽發額不寫十餘日死其五日可刺也其膿赤多血死未
有膿可治人年 二十五 三十一 六十 九十五者
在額不可見血見血者死

禽疽發如軫者數十數其四日腫合牽核痛其狀若擘十日
可刺其肉發身核寒齒如噤欲痊如是者十五日死

杼疽發頂若兩耳下不寫十六日死其六可刺其色黑見膿
而癰者死不可治人年 十九 二十三 三十五

三十九 五十一 五十五 六十一 八十七 九十九

百神在耳下不可見血見血者死

丁疽發兩肩此起有所逐惡結血流內外榮衛不通發爲丁
疽三日身腫痛甚口噤如瘞狀十一日可刺不治二十日死
蜂疽發髀背起心膈若連肩骨二十日不治死八日可刺其
色赤黑膿見青者死不可治人年一十八二十四
三十五六十七七十二九十八者百神在肩不
可見血見血者死

陰疽發髀若陰股始發腰強內不能自止數飲不能多五日
堅痛不治三歲而死

刺疽發起肺膈不寫二十日死其八日可刺發而赤其上肉
如椒子者死不可治人年十九二十五三十九
三十九五十七六十七十三八十一九十七
百神在背不可見血見血者死

脉疽發頸項如痛身隨而熱不欲動悄悄或不能食此有所

大畏恐駭而不精上氣嗽其發引耳不可以腫二十日可刺不刺八十日死

龍疽發背起胃俞若腎俞二十日不寫死九日可刺不刺其上赤下黑若青膿黑死發血膿者不死

首疽發熱八十日一方云八九日大熱汗頭引血盡如嗽身熱同同如沸者皮頗腫淺刺之不刺二十日死

榮疽發脅起若兩肘頭二十五日不寫死九日可刺膿多赤白而可治也人年一歲十六二十六三十二

四十八五十八六十四八十九十六百神在脅不可見血見血即死

行疽發如腫或後合相從往來不可要其所在刺之即愈

勇疽發股起太陰若伏鼠二十五日不寫死其十日可刺勇

疽發臆青黑者死白者尚可治不可治人年十一十五

二十 三十一 三十三 四十六 五十九 六十三

七十五 九十一 百神皆在尻尾不可見血見血者死

標疽發背熱同耳聾後六十日腫如聚水其狀若如此

者可刺之但出水後及有血出即除愈也不可治人年

五十七 六十五 七十三 八十一 九十七者 百神

在背不可見血見血者死

癰疽發足跌若足下三十日不寫死其十二日可刺癰疽者

白膿不太多其瘡上痒赤黑者死不可治人年 十三

二十九 三十五 六十一 七十三 九十三 百神在

足不可見血見血者死

衝疽發小腸痛而振寒熱四日五日悄悄六日而變刺之五

十日死

敷疽發兩指頭若五指頭七八日不寫死其四日可刺其發

而黑擁者不堪未過指節可治

一方不呼為敗疽恐是刺寫明堂引為敗疽

疥疽發腋下若兩臂兩掌中振寒熱而噬乾者飲多即嘔心煩悄悄六十日而漸合者如此可有汗如無汗者死方云床疽明堂亦引為床疽

筋疽皆發脊兩邊大筋其色蒼八日可刺若有膿在肌腹中十日死

陳乾疽發兩臂三四日痛不可動五十日身熱而赤六十日可刺如刺無血三四日病愈

搔疽發手足五指頭起節其色不變十日之內可刺過時不刺後為蝕有癰在脉腋三歲死

叔疽發身腫牽核而身熱不可以行不可以屈申成膿刺之以除

白疽發脾若肘後痒自痛傷乃身熱多汗五六處有者死心

主癰疽在股脛六日死發膿血六十日死

黑疽發腫居背大骨上八日可刺過時不刺為骨疽

骨疽膿出不可止壯熱碎骨六十日死脅少陽有癰腫在頸

八日死發膿血者十日死

倉疽發身痒後痛此故傷寒氣入藏篤發為倉疽九日可刺之不刺九十日死矣

腰太陽脉有腫交脉屬於陽明在頸十日死發腫七十日死

尻太陽脉有膿腫癰在足心少陽八日死發膿血六十日死

或八十日死

頭陽明脉有腫癰在尻六日死發膿血六十日死

股太陰有腫癰在足太陽十七日死發腫血百日死

肩太陽脉有腫癰在頸八日死發膿血百日死

足少陽脉有腫癰有脅八日死發膿血六百日死

手陽明脉有腫癰在腋淵一歲死發膿三歲死

黑疽發腋淵死

黑疽發耳中如米大此疽不治死

黑疽發肩死黑疽發缺盆中名曰伏疽不治死

赤疽發於脾半夜可治出歲死

黑疽發肘上下不死可治

髀解除指本黑頭赤死

黑疽發掌中不死可治

赤疽發陰股軟可治堅死

赤疽發肥腸死

黑疽發脰臑軟可治堅不可治

赤疽發掌中不可治

黑疽發趺上堅死

足下久腫癰色赤死

癰高而光者不大熱用薄癰其肉平平無異而紫色者不須治但以黃耆并淡竹葉湯申其氣耳癰平而痛用八物黃耆薄大癰七日小癰五日其自有堅強色訖寧生破發背及發乳若熱手近不得者令人之熱熟先服王不留行散外散外摩發背大黃膏若背生破無善在乳者熟之候手按之若隨手起便是熟針法要膿看以意消息之背背不可過一寸針良久不得膿即以食肉膏散差瓮頭肉癰口中人舐熱氣歇服木瓜散五日後癰欲差者排膿內寒散

凡破癰之後病人便連綿欲死內寒熱腫自有似癰而非者當以手按腫上無所連是風毒耳勿針可服昇麻湯外摩膏破癰口當合流下三分近一分針唯令極熱便不痛破癰後敗壞不差者作猪蹄湯洗之日再下湯二日故可用冬六七

日湯半劑亦可用腎中斷氣斷氣者當入閤中以手按左眼視右眼見光者腎中結癰若不見光者燐疽內發針傷脉血不出住實不寫留成癰腎脉來者大漸小陰結若肌肉痺癰癰為發寸口如此來大如未漸小矣。

有黑色者是石留黃毒 有赤色者是丹砂毒 有青色者是硃砂毒 有似鹽顆者是鍾乳毒 有黃水者是杏桃人

毒 有白水者是附子乾薑毒 有膿者熱肉麪等毒硃砂

發 白雄鴨頂上血一合已來取黑鉛湯一茶椀調服之解

鍾乳發 雄雞肘上血一合將鐵粉湯一茶椀調服之解

附子發 取附子皮三半豉半升相和以水一升煎約一茶

椀服之解

丹砂發 取黑鉛黃耆防風伏龍肝各半兩水一升煎半茶

椀去滓服之解

劉涓子鬼遺方卷第一

劉涓子鬼遺方卷第二

治金瘡止血散方

治金瘡血肉癰蝕散方

治金瘡肉癰蒲黃散方

治金瘡箭肉不出白蘘散方

治金瘡中腸出小麥散方

治金瘡腸出欲入礞石散方

治金瘡煩悶心煩石膏散方

治金瘡先有散石消石散方

治金瘡痛不可忍當歸散方

治金瘡弓弩所中悶絕琥珀散方

治金瘡弓弩所中筋急弩筋散方



治金瘡內傷蛇咬散方

治金瘡中筋骨續斷散方

治金瘡煩疼麻黃散方

治金瘡煩滿白薇散方

治金瘡去血當歸散方

治金瘡去血多虛茯苓散方

治金瘡內塞澤蘭散方

治金瘡內塞黃耆散方

治金瘡中茵藥藍子散方

治金瘡大渴矐麥散方

治被打腹中瘀血蒲黃散方

治癰疽金瘡止痛生肉膏方

治癰疽金瘡生肉甘菊膏方

治癰疽金瘡生肉膏方

治金瘡腹內瘀血烏雞湯方

治金瘡內有瘀血未及得下烏雞湯方

治金瘡有瘀血桃核湯方

治金瘡驚悸心湯方

治金瘡癰疽生肉膏方

治被打有瘀血白馬蹄散方

治金瘡止血散方

烏章根

兩三

白芷

兩一

鹿茸

燒二
分

當歸

兩一

芎藭

兩一

乾地黄

蒸一
兩切

續斷

一兩

右七味搗篩令調着血出處即止

治金瘡血肉癰蝙蝠消血散方

蝙蝠三枚燒令煙盡沫下絹篩之

右以水服方寸匕一日服令盡當下如水血消也
治金瘡肉瘦蒲黃散方

七月七日麻勃兩一

蒲黃兩二

右二物搗篩為散溫酒調服一錢匕日五服夜再兩服

治金瘡箭肉中不出出箭白斂散方

白斂兩二

半夏

三兩湯洗七遍生薑浸一宿熬過

右二味為末調水服方寸匕日三服若輕淺瘡十日出深二十日出終不停住肉中

治金瘡中腹腸出不能內之小麥飲噴瘡方

取小麥五升水九升煮取四升去滓復以綿度濾之使極冷傍含噴之瘡腸自上漸漸入以冷水噴其背不中多人見亦不欲令傍人語又不可病人知或晚未入取病人席四角令病人舉搖頭更腸便自入十日之內不